



Prishtinë, 10 korrik 2019
Kodi i ZRRE-së: V_1169_2019

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, nenin 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-084);
- Nenin 14 paragrafi 6 dhe 7 të Rregullës për Procedurën e Autorizimit për Ndërtimin e Kapaciteteve të reja;
- Vendimin mbi Njoftimin për Autorizimin Preliminar V_987_2018 të datës 13 qershor 2018 të lëshuar shoqërisë "Bondcom Energy Point" SH.P.K., me të cilën ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese për prodhimin e energjisë elektrike nga ERA, Wind Park –BUDAKOVA 1, në Lokacionin ZK Budakov, me kapacitet të instaluar prej 11 MW, Komuna e Suharekës, Republika e Kosovës, dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga ERA, Wind Park –BUDAKOVA 1, në Lokacionin ZK Budakov, me kapacitet të instaluar prej 11 MW, Komuna e Suharekës, të datës 11.06.2019, të shoqërisë "Bondcom Energy Point" SH.P.K., me adresë: Rruga "Sheshi i Lidhjes", p.n. Prizren, Republika e Kosovës,

në seancën e mbajtur me datë 10 korrik 2019 nxori këtë:

V E N D I M

- I. **APROVOHET** kërkesa e shoqërisë "Bondcom Energy Point" SH.P.K., dhe **SHTYHET** afati i vlefshmërisë së Vendimit mbi Njoftimin për Autorizimin Preliminar V_987_2018 i datës 13 qershor 2018, për kompletimin e aplikacionit për marrjen e Autorizimit Final, për ndërtimin e Turbinave të Erës, në Lokacionin ZK Budakov, me kapacitet të instaluar prej 11 MW Komuna e Suharekës, edhe për një afat gjashtë (6) muaj, gjegjësisht **deri me 13 dhjetor 2019**.
- II. Shoqëria "Bondcom Energy Point" SH.P.K., obligohet që brenda këtij afati të bëjë kërkesë me shkrim për shndërrimin e Vendimit mbi Njoftimin Preliminar në Autorizim Final për ndërtimin e kapaciteteve të reja gjeneruese për prodhimin e energjisë elektrike nga ERA, Wind Park – BUDAKOVA 1, në Lokacionin ZK Budakov, me kapacitet të instaluar prej 11 MW, Komuna e Suharekës, gjegjësisht deri me datën **13 dhjetor 2019** duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.



- III. Pas skadimit të afatit të cekur në pikën I. të dispozitivit, Vendimi V_987_2019 i datës 13 qershor 2018 mbi Njoftimin për Autorizimin Preliminar, do të shfuqizohet në mënyrë automatike, dhe nuk do të shqyrtohet nga Bordi i ZRRE-së.

Arsyetim

- ZRRE, me datë 19.12.2017 nga shoqëria **“Bondcom Energy Point” SH.P.K.**, ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhimin e energjisë elektrike nga ERA, Wind Park –BUDAKOVA 1, në Lokacionin ZK Budakov, me kapacitet të instaluar prej 11 MW, Komuna e Suharekës,, Republika e Kosovës.
- ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Turbinat e Erës, me datë 13 qershor 2018 ka lëshuar Vendimin mbi Njoftimin për Autorizimin Preliminar V_987_2018, dhe ka udhëzuar aplikuesin që t’i plotësoj kërkesat tjera ligjore që kërkohen me legjislacionin në fuqi në Republikën e Kosovës.
- Vendim mbi Njoftimin për Autorizimin Preliminar V_987_2018, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- Njoftimi mbi Vendimin për Autorizimin Preliminar ka përcaktuar disponueshmërinë e caqeve si dhe pranimin e aplikuesit në skemën mbështetëse dhe garantimin automatik të tarifës nxitëse.
- Njoftimi mbi Vendimin për Autorizimin Preliminar ka përcaktuar se aplikuesit i garantohet lidhja e Marrëveshjes për Shitblerje të Energjisë Elektrike në kohëzgjatje 12 vjeçare, e cila do të lidhet së paku (30) ditësh para datës së fillimit të operimit gjenerues.
- Vendimi mbi Njoftimin për Autorizimin Preliminar, është lëshuar në afat (1) një vjeçar, dhe në këtë vendim është përcaktuar se shoqërisë **“Bondcom Energy Point” SH.P.K.**, do t’i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
- Aplikuesi **“Bondcom Energy Point” SH.P.K.**, me datë 11.06.2019 ka parashtruar kërkesën për shtyrje të afatit të vlefshmërisë së Vendimit mbi Njoftimin për Autorizimin Preliminar dhe në kërkesën e saj ka sqaruar se: *janë në proces të kompletimit të të gjithë dokumentacionit të kërkuar ku kanë aplikuar në Ministrinë e Mjedisit dhe Planifikimit Hapësinorë për tu pajisur me Leje Ndërtimore sipas Ligjit të Ndërtimit, por për shkak të procedurave dhe diskutimeve publike, nuk kanë arritur që në afatin e paraparë me Vendimin për Autorizimin Preliminar ti përfundojnë të gjitha.*
- Andaj, duke pasur parasysh të gjitha ato që u cekën më lart, kërkohet nga Bordi i ZRRE-së, që të gjejnë mbështetje për shtyrje të afatit të vlefshmërisë së autorizimit preliminar edhe për gjashtë (6) muaj, me qëllim që kompania të siguroj dhe të pajiset me leje të ndërtimit nga MMPH-ja.
- Bordi i ZRRE-së, pas analizimit të kërkesës së shoqërisë **“Bondcom Energy Point” SH.P.K.**, dhe dëshmive të bashkangjitura për shtyrje të afatit të vlefshmërisë të Vendimit mbi Njoftimin për



Autorizimin Preliminar, ka vlerësuar atë dhe ka konsideruar se për shkak të arsyeshmërisë së bazuar dhe të kompleksitetit të sigurimit të lejeve të lëshuara nga institucionet relevante, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.

IV. Vendimi nxirret dhe publikohet në gjuhët zyrtare në Republikën e Kosovës.

V. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:

Arsim Janova, u.d. Kryesues

Besim Sejfiqaj, anëtar

Selman Hoti, anëtar

Izet Rushiti, anëtar

Vendimi iu dërgohet:

- Palës,
- Komunës së Suharekës,
- Sekretarit të Përgjithshëm të MMPH-së, dhe
- Arkivit të ZRRE-së.